

武寧縣志

重脩武寧縣志序

縣之有志其猶國之有史乎粵
稽周官小史外史之所掌由來
舊矣我

國家久道化成名公鉅儒義烈節
士以及一言一行之善所在皆
有其載在

國史散見於郡縣志諸書者彪炳
寰區遠軼前代何其盛也武寧
踞脩江上游太平九宮諸山磅礴
鬱積清泚之氣鍾於賢豪博
雅若邢侍郎忠鯁若周學士高
隱若鄭山人其尤著已余以道
光壬午承乏是邦公餘之暇披

覽志書按其圖經參諸傳記慨
然有懷古之思焉及與邑中人
士接出其文章皆高簡有法度
與之講求利弊則具有條理俗
尚勤儉而勇於赴功又如恐弗
及三載以來脩舉廢墜城鄉好
義者踴躍捐輸不下二萬餘緡

益以見士氣之醇民風之茂而
曩哲之流傳為未艾也志之作
也自前明成化丙午邑令馮公
琦始取永樂間縣丞鄭觀本為
之嗣是屢有脩輯而燬於兵火
蕩然無遺

國朝康熙丙午前令馮君其世收

拾於煨燼之餘粗存梗概洎乾
隆乙亥金匱鄒君應元來知縣
事悉心搜討閱五寒暑始就竟
格於他議書不果行至壬寅歲
梁君鳴岡始行續纂繼之者石
君讚韶復加叅訂焉其規模蓋
已大具已頌自壬寅後迄今又

四十餘年掌故之沿革人事之
推遷政治之得失其有繫於一
邑之大者不知凡幾非續有成
書何以信今傳後為徵文考獻
資會

詔脩

一統志

大憲檄各屬纂脩邑

乘為省志先事既下商之紳士

咸曰諾乃設局正誼書院延邑
中有學行者分纂校之任以癸
未二月始越今歲六月書成凡
前志之缺者補之略者詳之今
為三十二門釐為四十四卷宏
綱具舉細目畢張亦云備矣然
余竊有感焉

國家設官分職所謂知縣者何知
一縣之事而已一有不知廢官
曠矣撫是編也觀戶口之殷繁
而知保聚之艱宜急為撫字也
覩山川之阨塞而思治安之要
宜預為綢繆也由是以扶世翼
教則士氣益宜培也民風益宜

正也若但侈疆域之大冠蓋之
隆則非各憲所以徵取是書
之意而於史家義例不愈失之
遠哉刻既竣邑人士請余為序
余文詞謏陋何足以弁簡端惟
念躬襄盛舉而又幸與邦人共
觀厥成也因書此以自勉并以

貽後之官斯土者
道光四年歲次甲申季夏月

賜進士出身

勅授文林郎知武寧縣事調任臨川
縣知縣前知樂平署新昌餘干
等縣事癸酉壬午兩科鄉試同
考試官加三級紀錄三次閩中

陳雲章撰



修志職名

纂修

武寧縣知縣閩中

陳雲章

協纂

武寧縣教諭彭澤

項珊

武寧縣訓導上饒

黃元培

主修

邑署贛州府教授試用教職張紹璣

輔修

邑

監

生

余

相

分纂

邑

進

士

陳世馨

拔

貢

盛

翹

邑

廩

生

程

鏡

邑

庠

生

張

成

邑

增

生

喻

志

邑

廩

生

鄧

匡

邑

廩

生

余

鳴

邑

廩

生

王

賚

邑

郡

庠

生

夏

賢

邑

庠

生

張

光

邑

監

生

林

材

邑

儒

童

陳

策

邑前署湖口訓導上饒教諭試用教職方

觀

分理

邑

監

生

雷

秉

邑

授

理

問

銜

張

景

督理

邑

舉

人

黃

家

邑

舉

人

潘

音

邑

舉

人

潘

文

邑

拔

貢

生

候

選

教

諭

盛

邑

歲

貢

生

候

選

訓

導

吳

邑

郡

庠

生

雷

應

繕稿

邑

庠

生

吳

覺

邑	邑	邑
儒	儒	儒
童	童	童
盛明錕	方道蘭	周恭錕

前局修志姓氏

乾隆庚午分修

張應遴 邑舉人

盛樂 邑拔貢

王之臣 邑廩

盛朝麟 邑廩

余螭 邑增

盧金鏡 郡增

陳鳳騰 邑附生

李斐 邑附生

乾隆庚午繕校

余必遇

武寧縣志
卷之四
職官
陳肇曾

盛鴻畧

盛典

張一飛 以上均邑庠

彭鵬飛 吏員

乾隆癸酉分修

余騰蛟 邑進士任刑部主事

盛大謨 邑歲貢

乾隆癸酉繕校

費煌

乾隆壬寅分修

楊光斗 邑舉人

盛元績 邑舉人

盧金鏡 郡貢生

余鳴珂 邑舉人

盛翼 副貢

洪謙 歲貢

方璵 歲貢

金光廷 邑增

乾隆壬寅總理

費冠武 邑庠

分校

熊鎮瀾 恩貢

張紳 郡貢

黃州衛 邑庠

潘崇桂 捐貢

李趣堂 歲貢

張明遠 邑增

陳毓江 郡庠

張鳳英 郡庠

夏曰瑚 邑庠

潘江 理問職

余廷相

余廷楨

余廷傑 俱監生

石琢玉 俱監生

潘紹翼 耆民

分繕

楊賡詠

李家輝

張一鵬

羅若春

陳光國

盧鰲 上皆邑庠

程式 監生

龔聯奎 捐貢

葉世春

張正楠

武邑縣志
李萼飛上俱童生

繪圖

盛遇夔

凡例

一武邑志書草創於馮詳備於鄒梁有續修石有增輯體例條目大畧相同茲奉

列憲修輯江西通志核定程式頒布各屬飭修以備採摭所有別類分門前後次第悉遵通志編纂

一是書分爲三十二門釐爲四十四卷首星野崇天也次沿革形勢城池山川水利紀地也建學校設公署立書院修人道也由是而田賦正風俗美土產繁有兵衛武事之防關津驛鹽之便錄古蹟封爵秩官選舉不遺其名紀名宦人物寓賢列女特表其實推之仙釋方技祥異祠廟塋墓寺觀合而備諸藝文廣而徵於雜記體例分而次序定此志乘之大凡也

一星野渺茫難稽借引每多幻鑿前志據留雪草訂入考核精詳議論深通可無復贅

一沿革馮志不詳今仍從鄒本據正史路史安志白志諸書考証分合興廢著之爲表臚列世代以便稽閱

一形勢背楚面吳叢山四峻界連入邑防守尤難前志附於山水之後今遵頒式分列俾牧民者有所考焉

一城池疆域前志分爲二卷以坊市都里附疆域今遵頒式列城池卷疆域附坊市都里附增村莊附庶數百里內大綱細目瞭如指掌

一山川名勝前志於異跡可採及見諸詩文者已爲點綴今更補錄以備遊覽

一水利關係民生堰塘其所重也惟水道原委長短灌溉田畝多寡呈請者未必無僞採訪甚難確實恐轉滋後事故但紀其名

一學宮及祭器書籍前志悉詳本末惟重修名姓向未注明據實增載以昭敦崇之意

一公署前志附城池後倉儲附田賦後今遵頒式列公署卷附倉儲又附建置以皆有事鳩工各從其類也

一書院前志附於學校今遵頒式分列其各鄉都續建社學亦採訪補入以爲振興者勸

一田賦宋元縣志毀於兵燹馮志但取明季原額及

國朝實徵編載今無可考鄒梁兩志原荒新陞先後互異今據嘉慶十八年賦役全書核載

一風俗舊志稽圖志記序及古今文集有闕涉者錄之今

就耳目所著增輯數條亦採民風者有所不廢也

一土產前志頗畧今遵頒式分列博採詳紀以辨物宜

一兵衛舊志列名武備今遵頒式訂正凡兵馬器械本縣營案牘詳細列入

一武事前志名寇警附武備後今遵頒式訂正補舊增新頗爲詳備

一關津武寧不通巨商向無權關之設而橋梁是建舟渡是修亦徵利涉擇其重者載之

一驛鹽前志但紀舖兵而鹽引缺載茲遵頒式據案冊編入

一古蹟舊本搜羅頗廣辨訛亦詳皆從畱雪草訂入今畧加一二以補其遺

一封爵秩官選舉順序朝代分載姓名地里而名宦人物例有列傳原不係名位之崇卑惟視其人之高下所以示勸懲也

一選舉例自優貢歲貢以上始得列名其不由選舉及無科代可考凡受一命者悉以文秩武秩分列選舉後

一名宦前志已據傳分列其未登名宦而政績實有可紀者依前志仍增入宦蹟後

一人物關係甚重前志所載不敢擅移謹遵頒式分編增儒林文苑三人奉

首入昭忠祠武弁四人惟前志以義行中附有孝行文學鄉勇諸名殊與義行不協今遵府志改爲善士其有好義敦行者俱確訪增入外此捐修實係於公有濟亦概行

登載第紀其事或未區別其人而於善士則仍防範維嚴
一列女前志頗稱詳慎今以已

旌而有事實及未

旌而奇苦堪憫者悉爲立傳惟案府志循常守節例不克
旌原奉有准入府縣志之

旨而窮鄉鄙屋力不克請旣據呈明亦不妨畱備採訪茲謹
分列以孝女附焉巾幗之榮倘亦維持風化之一道云
一寓賢仙釋方技祥異前志多徵於史傳詩歌耳授而目
覩者不多茲加以採訪增益舊聞亦摭拾之所不廢也
至祠廟瑩墓寺觀仍舊增新隨類編記
一藝文鄒本已詳而梁志亦有省損茲遵頌式擇其有關
世道人心者廣搜博採以備文獻之徵

一雜記先後無倫次而所收甚富凡遺人遺事遺蹟皆得
備錄以供博覽爲一乘之殿
一新志凡遇

聖諱

廟諱

御名須敬謹避某字用某字遇我

朝擡寫字樣或單擡頂格雙擡出格三擡本文概低二格
敬謹遵例擡寫至志中字畫僞體訛省校正悉歸正韻
所以昭慎重也

武寧縣志目錄

卷首

凡例

目錄

繪圖

卷之一

星野

附氣候

卷之二

沿革

卷之三

形勢

卷之四

城池

附疆域

坊市

都里

村莊

卷之五



山川

卷之六

水利

卷之七

學校

卷之八

公署

附 倉儲

建置

卷之九

書院

卷之十

田賦

卷之十一

風俗

卷之十二

土產

卷之十三

兵衛

附 漕運

卷之十四

武事

卷之十五

關津

附 橋渡

亭

卷之十六

驛鹽

卷之十七

武庫系志 卷首 目錄

古蹟

卷之十八

封爵

卷之十九

秩官

卷之二十

選舉

附

文秩

武秩

封廕

訓科

訓術

鄉飲

卷之二十一

名宦附宦蹟

卷之二十二

人物

附

善士

卷之二十三

高賢

卷之二十四

列女

卷之二十五

仙釋

卷之二十六

方技

卷之二十七

祥異

卷之二十八

祠廟

卷之二十九

瑩墓

卷之三十

寺觀

卷之三十一

藝文

誥疏

書籍

卷之三十二

藝文

傳

卷之三十三

藝文

傳

卷之三十四

藝文

記

卷之三十五

藝文

記

卷之三十六

藝文

記

卷之三十七

藝文

序

卷之三十八

藝文

序

卷之三十九

藝文

雜著

卷之四十

藝文

詩古體

卷之四十一

藝文

詩古體

卷之四十二

藝文

詩近體

卷之四十三

藝文

詩近體


卷之四十四

雜記

繪

圖

上諭亭圖



文廟圖



正安縣志

縣署圖

武定縣志

卷之二

圖

四




武定縣志

卷之二

圖

四

城池圖




式序


卷之五

圖


五

疆域圖






水利圖



柳山圖

正宜集下

卷首




武平縣志

卷首

八

太平山圖



三仙坡



胡廣坪

枯槎溪

太平山圖

卷之二

圖



九



去唐領圖

武定縣志

卷之二



武定縣志

卷之二

圖

十一

四望山圖

五山集卷六

卷六




影清潭港



朱家山圖



書院圖



武寧縣志卷之一

武寧縣知縣閩中陳雲章纂

星野

古者觀象敬天垂則辨土分星保章是職句吳舊區維
斗所直武隸於洪與楚相入度涉南魁旁詹軫翼助爵
慶行干羽耀德

盛世階平靡虧靡旻雲漢昭回祥景熙翁深谷遐陬罔弗協
極人文聿興用光南國志星野

星經南斗牽牛吳越之分爲揚州翼軫楚之分爲荊州熒惑
主霍山揚州荊州玉衡第四星主荊州其第六星主揚州
春秋元命苞牽牛流爲揚州分爲越國軫星散爲荊州
運斗樞北斗第四星曰權第五星曰衡

文耀鉤蒙山以東至南江會稽徐揚之州屬權星大別以東至九江荊州屬衡星

論語擿輔象兗豫屬上台荊州屬下級

史記天官書斗江湖牽牛婺女揚州翼軫荊州吳楚之疆候在熒惑占於鳥衡

漢書地理志吳地斗分野也今之會稽九江丹陽豫章諸郡盡吳分也楚地軫翼之分野也今之江夏武陵長沙諸郡盡楚分也

律歷志星紀初斗十二度終婺女七度鶉尾初張十八度終軫十一度

晉天文志自南斗十二度至須女七度爲星紀于辰在丑吳越分野自張十七度至軫十一度爲鶉尾於辰在巳楚之

分野又曰九江入斗一度豫章入斗十度江夏入翼十二度長沙入軫十六度

唐天文志斗牽牛星紀也初南斗九度餘千四十二秒十二太中斗二十四度終女四度翼軫鶉尾也初張十五度餘千七百九十五秒二十二太中翼十二度終軫九度

宋中興志北方七宿其精元武斗有龜蛇蟠結之象

宋史天文志北斗七星二曰璇其分爲楚四曰權其分爲吳三台六星兩兩而居西近文昌二星曰上台上台下星主荆揚 天市垣東蕃十一星第六曰吳越西蕃十一星第二曰楚

元史歷志黃道十二次宿度斗三度七十七分入星紀之次女二度六分入元枵之次張十五度二十六分入鶉尾之

次軫十度七分壽星之次

淮南天文訓天有九野東北曰變天其星箕斗牽牛北方曰元天其星須女虛危營室東南曰陽天其星張翼軫星部地名斗牽牛越須女吳翼軫楚

月令章句自張十二度至軫六度謂之鶉尾之次楚之分野

自斗六度至須女二度謂之星紀之次越之分野

星歷南斗之十度屬豫章軫之十一度屬武昌

通典揚州管斗吳之分野兼得楚及南越之交

廣雅布度定紀布州繫象徐揚屬權星荆屬衡星

辰次圖南斗十度吳之頭也軫十度楚之尾也

文獻通考熒惑之精散為昭且蚩尤之旗亦為昭明司危天攬赤等

天文秘訣星紀初斗十一度外末女七度內於分為吳越九

江入牛五度豫章入斗十度

續豫章記豫章之地春秋時為楚之東境據天文則吳之分

野

分野圖說斗六星二十五度吳之分野南昌入斗八度南康

入斗四度九江入牛五度

按唐虞授時齊政不言土野禹貢任土分州不及天星

分野之說見於經者周禮保章氏以星土辨九州之地

所封封域皆有分星以觀妖祥而亦不言星之所屬自

時厥後散見於左傳國語者如參為晉星商主大火歲

之所在則我周分野之類其義頗著巫咸甘石分度列

次號為三家象緯之學所由起也張衡費直各有論述

譙周陳卓自命專家唐僧一行元郭守敬後先發明以秒乘分以分乘度其法益密然皆出彼入此牴牾不合顧嘗論之天無私覆地無私載二十八舍躔度周天則凡有土之處皆星所照臨雖雕題窮髮之區亦應有分星可紀何以十二辰次盡入禹貢九州之域豈上天垂象專爲海內萬里而設耶此亦千古不拔之疑矣旣以九野配九州復以十二次分隸十二國如星紀爲吳鶉尾爲楚秩然不紊宜若可徵者然古稱萬國三代封爵無慮數千此十二國者皆王政之衰兼并之餘耳假令齊楚燕秦各守舊封諸星辰次何所附麗晉室未分大梁一舍豈宜虛設各次分土道里宜均何以鶉首廣而鶉火隘吳越同分史墨謂越得歲而吳伐之不祥其言

亦驗是皆理之不可推者至若星紀北宿吳越南邦邈不相直賈公彥乃以受封之日歲星所在爲解其惑滋甚吳越所封地皆不滿百里焉得獨當一次周封諸侯千八百國同日封者不知凡幾又豈能合東西朔南於一次乎唯一行謂星之與土以氣相屬不繫方隅爲說較優而其相屬之故究亦恟恍難言蓋自鄭康成時古分星之書已亡保章所職已無可考九野十二次人自爲說家自爲書而星學愈淆矣豫章一郡地兼荆揚星家則耑屬之吳爲斗分野而一行書謂南斗在雲漢下流當淮海間爲吳分牽牛去南河寢遠故自豫章達會稽爲越分則又以豫章屬越與古封域不合且星家亦未有以豫章入牛度者一行雲漢升降之篇分布兩戒

四維帝墟八舍於以界畫南北紀綱州郡較若列眉由
 漢而來分野之密無能出其右者猶不免乘戾若此他
 如淳風之紕譌子充之疎漏又何論焉前明天文家以
 西學為最章世純圖歌亦本西術而利瑪竇河漢分星
 圖復與一行守敬大有逕庭今之靈臺司天者實宗其
 法世稱其精邃遠過前人然積星為漢之說儒者弗取
 其源蓋不可得而聞獨夾漈鄭氏曰天之所覆者廣海
 內所占牛女下十二國耳言極簡要可靖諸家之穿鑿
 紛紜而馬端臨又以北斗七星自張至角五車五星次
 舍在畢其所主占亦即此十二國不得謂牛女專屬華
 夏力詆鄭說之非竊獨以為星有定位國無常土北斗
 五車及牛女下十二星天市垣東西二十二星分主諸

國皆後人強為配合原非天星應得之分亦非保章分
 星之古法矣大率斗牛女夕見於南方故斗宿亦謂之
 南斗即不必統屬華夏而江河以南內外萬里占此數
 宿差為近之南瞻部州之名固不足徵天有九野牛女
 為北方之宿又可盡據乎必謂海內九州遂得分據天
 星全度其言雖驗終非敢信武邑之區從衡不及二百
 里其於大地曾不異秦華之一石以分星計之直得三
 百六十度之秒數為斗為軫皆可不論然而星見大辰
 驗宋鄭之火歲淫元枵知楚國之喪星野之義所從來
 者遠未可廢而不舉也故復詮次舊聞附以渺說用備
 叅攷天道遠而人事邇修人事者不泥天象大雅君子
 或有取焉

自星紀至析木謂之十二次一次當得三十度三十分之十四以合周天之數乃諸家分次或盈或縮靡所折衷今以星紀一次考之有起斗三度至女二度者有起斗九度至女四度者漢志初斗十一度晉志初斗十二度竝末女七度其間遠近多寡既不相謀而州郡所入之度更自懸絕晉志稱豫章入斗十度九江入斗一度南昌屬豫章郡故通志府志皆以南昌爲斗十度武邑舊志則以邑隸南昌亦從入斗十度之文考星野圖說旣云南昌入斗八度而南懷仁又云豫章入斗七度諸家多言九江入牛五度劉基又言九江南康同居斗二十度而入斗一度者爲江寧揚州二郡且以晉志星紀起斗十二度豫章入斗十度言之則豫章當在析木之

津不得入星紀之次矣入度參差乃至於此豈今昔異宜諸家各有所授耶抑天事杳渺數積端更雖有章亥之步終難定其指歸耶武爲南昌屬縣地勢實交錯於楚去郡三百里而遙東界南康之建昌九江之瑞昌以入度深淺論南昌九江相去不能三百里一在斗十度一在斗一度中間已隔八度若九江入牛五度則隔二十度乘以疆域一度僅準十餘里雖盡周髀之數不能當一州之分矣又謂廬江入斗六度以九江一度準之則星度自南之比而南昌居十度則又自北之南一家之言格鑿如此安所適從且如瑞屬九江當入斗一度建隸南康當入斗四度武亦安得越此二邑而與南昌同居十度瑞昌縣志云瑞昌楚之尾也接壤武昌星歷

辰次宜爲軫不爲斗蓋以九江地勢應入荊州分星從楚未爲無說星野之分自當以九州爲正後世郡縣或割彼附此或犬牙相入豈能強已定之星宿而主無定之疆域乎攷之圖經武地於古爲艾西北有艾城漢置艾縣春秋時吳公子慶忌出居於艾遂以爲地在吳分括地志云艾在今蘓州則非武之艾城矣艾城去吳郡幾二千里恐無公子出居之事或者古有二艾志地家因而傳會其說耳史記吳伐楚取番正義云卽今鄱陽縣楚之東境是時番尙屬楚何有於武稽左氏傳魯定公時吳始強盛侵并楚東諸邑不數十年而入於越是豫章之地其爲吳有者僅數十年豈星次分野恰在此數十年中而遂執爲吳分乎周之末季吳越與楚互相

吞噬吳敗楚地越又滅吳楚復并之江西郡縣爲吳爲越爲楚若易碁然以十二次配十二國其定爲屬吳屬楚者不知以何者爲據以始封爲率耶則吳楚皆子爵五十里之國耳分星不應若是之多以春秋戰國時爲限耶則豫章一郡朝吳暮楚地與時遷欲使星隨地徙蓋亦難矣又古豫章非今之南昌左傳楚伐吳師於豫章又吳人舍舟於淮汭自豫章與楚夾漢杜注云豫章漢東江北地南昌之爲豫章至漢分郡時始得名其地則吳楚之交不得統屬於吳也至於九州分域禹貢但言淮海爲揚州後人謂吳越爲揚州之域亦指舊封而言而六緯家則稱自蒙山以東至南江會稽爲揚州自大別山以東至雷澤九江爲荊州皆本山川脈絡以分

疆域其言爲有依據武邑在大別之東九江之西太平諸山勢趨彭蠡與南康九江相屬其爲荊州之分審矣特以久隸南昌言星野者皆統於郡不能復有異同今詳考星經圖說皆以斗牛屬南昌九江軫翼屬江夏謹錄其有關於荆揚之占者並著於篇若乃分星於度分度於秒以求必合雖有精甘石之術者亦難言焉欲以一管之窺而肆騶生之譚其誰敢任之

附占驗

星經玉衡第四星主荊州常以五卯日候之癸卯爲長沙丁卯爲武陵第六星主揚州常以五巳日候之乙巳爲豫章癸巳日爲九江

象緯通考斗六星二十五度天廟也亦曰天機五星貫中日

月正道爲丞相太宰之位酌政事之宜主褒進賢良稟授爵祿亦主兵

牛六星七度天之關梁日月五星之中道主道路關津亦主犧牲

翼二十二星十九度主三公化道文籍爲天之樂府主禮樂及遠方賓客之事

軫四星十七度主冢宰輔臣車騎載任

靈臺秘苑斗南二星魁天梁也中央二星天相也北二星天府廷也亦爲壽命之期星盛明君臣一心天下和平爵祿行暗小則廢宰相日月五星逆行入斗凶孛犯之兵起

牛上二星主道路次二星主關梁次二星主南蠻中一星主牛星明大則王道昌年穀成熟其星曲則糶貴不明失

常則牛賤中星移上下牛多死小星立牛多瘦金火犯之
災水土守之吉

分星攷翼爲禮樂之官干羽玉帛兩焉星大明則禮修樂備
上下雍穆四裔來賓動則遠使至星暗則政教失宮商垂
金火守之爲有兵

軫爲車騎亦司樂府歌舞之事星明盛天下昌萬民康四
海歸王動則車騎用五星犯之人民失業盜賊起

晉書農丈人星在南斗南主農正之官明則豐稔暗則荒歉

隋天文志天淵十星在南斗南主灌溉隴畝星明爲有年金
水守之爲水災火守之大旱 土司空四星一曰司徒居
翼軫之間主界域及土功金火犯之民廢耕織

天文志翼軫間有十餘星曰天市星明則米價必平

宋兩朝志北斗六星曰建天之都關也七曜之道主建爲謀
事其星動搖則人多勞 天弁九星在建星北占列肆闔
闔若市籍之事明盛則吉彗星犯之糴貴 織女三星在
天紀東端天女也司果蓏絲綿織維其星怒生芒角布帛
貴三星齊明女紅善暗而微機杼不修 軫南三十二星
曰器府主樂器星明則樂律調

通志天文畧熒惑南方夏火禮也視也禮虧視失逆夏令傷
火氣罰見熒惑

七政占候熒惑主楚吳越以南又主大鴻臚司空司馬又爲
理外則理兵內則理政其出色赤逆行成句已凶芒大則
人民怨

渾天儀說熒惑爲執法之官其精爲風伯之師

晉書五星盈縮失位其精降於地爲人熒惑降爲兒童歌謠
嬉戲

中興天文志五星循軌順行天下乂寧年穀順成犯鬪變色
爲災爲兵吉凶之應太白爲甚熒惑爲尤甚蓋熒惑火也
性烈而不常又爲執法之官故其效尤亟也

星統三台爲天階太乙躡以上下一曰泰階色齊明而行列
相類則君臣和法令平不齊爲乖度

按十輝之法著於周禮而書雲望氣代日加詳左氏好
言禴祥其所叙星辰占候如禪寵梓慎之所推測皆效
若影響豈盡足徵與太史公曰吳楚之疆候在熒惑而
上台下星荆揚同占斗本吳分杜佑以爲兼得楚及南
越之交然則荆揚吳楚地氣不異占候亦大畧相同與

豫章地交吳楚武邑則於楚尤密占星者惟斗是稽安
見其必效乎考晉隆安四年太陰犯牽牛是歲豫章大
水則豫章之占又驗於牛義熙二年熒惑犯南斗第五
星其年司馬國璠攻沒弋陽史氏以爲星變之驗弋陽
地屬越分於宿直牛而斗又應之歷家距度斗止南魁
其第五星則入於箕箕乃幽燕之分其應反在越何也
隋大業三年熒惑逆行入南斗其後楊元感反東南羣
盜並起占曰斗牛楚越分野元感父素初封越後徙封
楚故星象應之楚越同占斗度旣與分次不合且素之
封越封楚直虛號耳要皆未嘗之國何足上感天星而
史氏所紀星應如素類者不一而足象緯家巧爲附會
畧不求其理之所安胥視此矣大抵熒惑斗牛爲南方

之占荆揚所屬各以類應如必界某度爲某邑之分指
某星爲某州之驗是亦刻舟而求劍也武邑僻處叢山
灾祥不見於史冊郡邑志所錄皆吳分之統占其所當
應蓋不可得而言故於斗牛諸宿位所主休咎取其切
於人事者畧舉端緒以示敬天勤民之意而歷代雲祥
星變具在國史無關井邑者皆不錄

附
氣候

星野有遠近則四時之氣有遲速武邑處豫章西北四山盤
結勢趨彭蠡氣候較江南平原爲異歲多風春東風雨夏
北風雨秋西風雨冬東風則雪夏蛟出則雹四月後梅雨
鬱蒸尙宜重綿五六月驟雨時行秋初熱尤甚多防旱八
九月嵐氣多人易患瘧冬冰不堅諸種宜豫秋社下麥春

社下稼麥遲則凌寒稼遲則苦旱亦地多高亢使然也俗
傳春盡有黃丹瘴則損麥夏盡有乾風起則損稼日出而
雨則生蟲春秋二仲多陰翳謂之弄寒弄暖馮志氣候論

記曰廣谷大川異制民生其間異俗大江以南五嶺之
北吳楚地數千里氣候寒燠不甚相遠武邑當吳楚之
交其山高以密其水冽而駛無平原廣野深淵大湖足
以舒洩地氣故鬱蒸徽濕視他處爲重春分土膏上騰
磚礎皆潤立夏後尤甚衣笥書畫經旬不見日則多澗
壤秋分前後遇陰雨亦然謂之秋徽而春夏徽氣近地
爲甚秋徽雖重樓不免蓋地氣升降使然也山氣磅礴
好作霧春霧晴夏霧雨秋霧陰晦冬霧則雪降亦云霧
早散則晴遲散則雨三月九月寒暖不時或晨衣重綿

午宜單袂五六月間山中雨多於平阪謂之沿山雨大約四時寒熱頗均無亢厲瘴癘之患夏多雨冬多晴故稼不憂旱而人不苦寒草木花葉應時而發三冬晴煖桃李重放不爲異然其土植牡丹甚繁盛茉莉素馨稍失調護輒凍痿故其候於中州爲近與嶺嶠懸殊此其大較也

一邑之中氣候亦復不同西南佈種較遲東北刈穫最早廉村桑溪絕巘危峯皆可種稻喜旱而惡霖九月盡始穫而其地間宜麩麥遼峯之西有田一頃湯泉所灌登收乃在小暑前巾口以下土尤蒸濕最苦蚊蚋與淮揚等而太平九宮諸深山夏月無蚊不施帳幔三伏亦可挾纊嚴陽山有石鑊泉擊其水則大雨立至魯溪洞

每遇夏月久旱溪水涸竭則洞中洪濤驟發溢涌而出不知其水之所自土人稱爲洗洞水蓋深山大澤地氣

不齊蓄洩互異有如此者至於山雲有斷續之占俗云山雲

連則雨斷則晴灘聲有靜躁之異瀕河居民常以半夜灘聲卜

平則雨中秋無月則漁家喜諺云中秋無月魚蝦易得仲夏朔陰則田

老憂田家以五月朔爲禾居巢者知風處穴者知雨其

言雖不雅馴而剴柔異齊寒暖異候亦采風志地者所務白也故採其異於他處與舊志所未備者附於星象之末俾居民材者知所先後焉

